

أشعار بالعامية المصرية

سكة أمل

شعر

هدى عبد الغنى سعيد

دراسة

عبد العليم القباني



الهيئة المصرية العامة للكتاب

٢٠٠٧

إشرافات جديدة

تصدر عن الهيئة المصرية العامة للكتاب

رئيس مجلس الإدارة
د. ناصراً الأنصارى

رئيس التحرير
عبد العال الحماصى

مدير التحرير
حزین عمر

سكرتير التحرير
أحمد توفيق

تصميم الغلاف
محمد عمر

الإشراف الفنى
صبرى عبد الواحد

إهداء

إلى .. ولدى
أحمد . محمد
أهدى أشعاري

هدى عبدالقنى سعيد
الإسكندرية

سعيد ، هدى عبد الفنى
سكة أمل / هدى عبد الفنى سعيد . - القاهرة :
الهيئة المصرية العامة للكتاب، ٢٠٠٦.
١١٦ ص : ٢٠ سم.
تدمك ٠ ٩٤٨٤ ٠١ ٩٧٧
١ - الشعر الشعبى المصرى
(١) العنوان :
رقم الإيداع بدار الكتب ٢٣٦٤٢ / ٢٠٠٦
I.S.B.N 977 - 01 - 9484 - 0
ديوى ٨١١ ، ٠٨٤

أنا.. والبحر

... ..

... ..

... ..

ورجعت لك ..

ووقفت قدماك أسير ..

من بسمتك ..

من كلمة مرسومة ف عنيك

وسؤال قريته ف نظرتك !!

... ..

ورجعت لك ..
مادد إيديه التعبانين ..
يسبقنى لك شوق السنين
ف رحلة بين آهة وألم ..
وذكريات !!

.....

جيت لك أسير ..
خدنى وطير ..
سكنى موجة حنينه ..
وابعدنى عن دنيا البشر
فوق صدرها ..
ترتاح عنيه السهرانين
ويغنى قلبى غنوته ..
وتعود له تانى بسمته
من بعد توهه ..
وانتظار !!

.....

ع الشط . قلبى يبيتسم

نزلت شاطئ فرحتى ..

ومركبى ..

كلمة أمل متغمة بموجة فرح ..

يا مركبى ..

سواح أنا والليل طويل ..

والقلب دقاته اشتكت ..

والشوق . غناوى صغيرة ..

ف عنيه غناها السهر ..

يا عنيه . يا قلبى أنا ..

غريق وفين .. فين مطر حرك ١١٩
... فوق. ف السما ١١٩
ناديت عليك ..
مديت إيديه للفضا
ما سمعت غير صوت الصدى ١١
ما لقيتش غير دمعى . قضا ١١
دورت فى كل البحار ..
فتشت حتى ف المحار ..
عن قلب تاهت خطوته ويا الهوى ..
يا قلبى فين ..
فين مطر حرك ١١٩
..
ورجعت شطى ابتسم ..
ع الشط شايف قلبى فين ..
قلبي هناك ..
..
جوه عيون الحب نادت مركبى ..

قربت منها أبتسم
حسيت بقلبي بيرتجف
وفرحتى ..
خليتى أنسى مين أنا
وفين أنا لا
.. ..
لما القمر ..
يفرد جناحه بالمنى ..
يطرح لنا ..
كل الهنا ..
لما الفرح ..
يفرد جناحه ع السما ..
ويضمنا بأحلى نغم ..
تبقى السما
غير السما ..
تجرى نجوم الحب تفرش ضيها ..
فى قلبنا لا
.. ..

لو عندي كلمة تكتب ..
وتحكي عن شوقي أنا ..
ح تلاقى حبك جوه قلبي ..
هوه آخر كلمة ردها الهوى ..
ف البعد وإحنا ف شوق معذبنا الحنين ..
ف القرب . لحظة خوف ..
بنعشقها . سوى !!

....

حروف اسمك

حروف اسمك ..

بنغمها ..

وأغنيها ..

وبزرعها أمل أخضر ..

عشان يكبر ..

ويتبسم ..

ويطرح م الهنا أفراح

ويبعث لى ف كل صباح ..

ويندهلى

وأجرى ويا أحلامى ..
وأفراحي ..
تسابقنى !!

.. . . .

حروف إسمك ..
بخبيها ما بين رمشى ..
وبكتبها على قلبى ..
بلون وردى !!

.. . . .

حروف اسمك ..
بتدھلى بكلام أخضر
وألاقيها أنا بنظرة
وأسهر ويا أحلامى ..
مابين قلبى ودقاته
وكلمة شوق بتتهد على شفة أمل عطشان !!

.. . . .

حروف إسمك ..

عايز تعرف مكانهم فين ..

ف ضى العين ..

هنا ف قلبى ..

..

حروف اسمك سما تتور لياليه ..

وأنا المشتاق ..

لنظرة من عينيك حلوة

لكلمة حب أسمعها ..

ولو مرة !!

... .. .

علشانك

علشانك ..

أنا حبيت الكل ..

وجمعت الفرحة عقود من قل ..

..

يا مسهر ف عنيه الذكرى

يا منسينى الخوف من بكره ..

عطشانه لقريك ..

عطشانه ..

وعهودك ف القلب أمانة ..

علشانك ..

قلبي عملته طريق ..

وفرشت رموشى لك سكة وقناديل من نور

والدنيا تدور ..

وتأخذنا بعيد وتقربنا

علشان الشوق يصحى يصبح ..

نفرح ..

نمرح ..

دا لقانا بيزرع ف قلوبنا ..

بستان أخضر ..

غنى يا أسمر

على وتر القلب ح تلقانى بحبك أكثر !!

... ..

لحظة حب...

أجمل لحظة ف أيام عمرى ..
لحظة فكرى ما ييجى يقابلك
آه لو تسمع دقة قلبى ..
آه لو تعرف شوقى وحبى ..
كنت تجينى وتبقى معايا ..
... ..
لما بشوفك..
بشعر إن الدنيا خديتى لجنة بعيدة ..
بتفرحنى لما تجينى ..

وبتجراحنى ..

لما بتبعد يوم عن عيني !!

.. .. .

لما بقابلك ..

تضحك كل عيون الدنيا ف قلبي ..

وشّى بيضحك ..

قلبي بيضحك ..

مش ف عوايده يفتح بابه

طب إيه رأيك ..

ما أنت بتعرف طعم الحب ..

لما بيسكن جوه العين ..

لما بيدخل جوه القلب !!

.. .. .

بتشوق لك ..

لما بيجى الليل القاسى

لما بيرسم فوق إحساسى شبح الغربة

لما يسلط فوق أيامى سيف الوحدة ..

أسهر أفكر ..
تبقى معايا وبعيد عني
ياخدك مني شيء . مش عارفه !!
آه لو أعرف ..
يمكن أقرب
يمكن أبعد
آه ..
لو ..
أعرف .. !!
.....

و..توعدنى

وتوعدنى ..

وأتشوق ..

وأستى ..

وأنا طائره من الفرحة ..

وأفتح للهنا ..

بابى ..!!

.. .. .

حبيبي ..

لو تشوف قلبى ..

دى دقاته بتتده لك ..

ولا سامع ..

ندا قلبى !!

وتوعدنى ..

وأخاف للوقت يسرقنى ..

وأنا سارحة مع صورتك ..

وف معادك ..

... ..

من الفرحة ..

بخاف منك

تكون أحلام ..

ونتفرق !!

وأرجع تانى أتعذب بأشواقى

وأستنى كمان مرة ..

وتوعدنى !!

... ..

دوامت

وباقى يومين ..
ونتفرق ..
وتبعد عنى أحلامى
وأتعذب ..
وأنزل بحر أحزاني !!
ياليل البعد ليه تقرب ..
وتحرمنى ..
من النسمة ..
وأنا وردة .. يادوب لسه ..

بنتفتح ١١٩

.. . . .

حبيبي ..

نفسى يوم تعرف ..

تحس بقلبي ويحيرته ..

بشوق سهران ، بيتعذب ..

وأسأل ليه ..

بخاف منك ..

ومن جرحك ..

وم الدنيا اللى بتقرب ..

وبتفرق

وأخاف على حبي يوم يدبل ..

على قلبي ..

ودقاته ..

ليوم تسكت ..

ألاقى عنيك تجاوبنى ..

بحور الصمت جواها تقول آهه بميت معنى

أخاف أكثر ..

وأتمنى ..

ساعات العمر تستنى ..

لا تتقدم ولا تجرى

- أفرح بين إيديك عمري -

وباقى يومين ..

ونتفرق ١١٩

... ..

بحر الغربة

يا بحر الفرقة والغربة ..

نهايتك فين ؟

دا شطى بعيد

ومجدافى أمل ضايغ ف عتمة ليل ..

بيتألم ..

وكلمة صبر مجروحة

بتتلوى ف بير أحلام !!

.. .. .

ياليل . يا ستارة الذكرى ..

طريقك فين ١٩

وفجر القرب أمتى يطل ١٩

أروح له منين ١٩

.. . . .

يا بحر الغربة والفرقة . نهايتك فين ..

ح أجدف بالأمل دنيا ..

وحفلب موجك العالى ..

بأمالى ..

وشطلى التايه المجهول ..

رح ارسم فوق شفايف قلبه وردايه

ومن أملى ح احنى إيديه ..

ح أكحل بالأمانى عنيه ..

وأغنى له ١١

... .. .

متغرب

وجای امتی یا متغرب ..
یا غنوة حب بتزوق شفایف عمری بالفرحة
یا نجمة شوق بتزرع غریتی . جنة ..
رح أستى ..
وأعیش أيامی أتمنى
أسابق بالأمل عمری ..
وأداعب بالخیال . فجری ..
لكن خوفي ..
مخوفنی !!

لامتى رح أسبق المشوار

يا شاغل فكرى ليل ونهار ١٩

وجاى امتى ..

عشان ترسا سفينة عمرى فوق شط الهنا مره ١٩

... ..

يا متغرب سنين عمرى

رح أستنى

ورح أتمنى

وأحلم إنى ف الجنة

ولو كانت ثوانى البعد نار قاده

رح أستاك ..

وأتقرب ..

كفاية

القلب

متغرب ١١

... ..

ليه بعيد؟؟

كل ما تقرب وأحلم ..
ألقي نفسي بين إيديك ..
مالتقيك ..
عايز اطيرو واسبق زمانى ..
نفسى أشوفك بس تانى
لجل ما اطمئن عليك ..
وأرتوى بنظرة عنيك ..
..
امتى ترجع ..

كل يوم أحلم ببيكره ..
كل يوم استتى بكره
وأنت ما عندكش فكره ..
عن حياتى ..
عن آهاتى ..
عن مرارة الإنتظار ..
قايدة نار ..
تحرق الحلم اللى خضر ..
جوه قلبى !!
... ..
ياحبيبي ..
كل يوم استتى بكره ..
كل يوم أحلم ببيكره ..
آه يا بكره ..
لو تجينى بالأمانى ..
لو أشوفك بس تانى
مش ح أسيبك يوم تسافر

مهما كلفنى السفر .

.. .. .

لو أشوفك ..

مش ح أسيبك يوم تسافر

إلا جوه بحور حنانى ..

بس ترجع !!

... .. .

بدور عليك

بدور عليك ..

ف بحر عنيك الغميق البعيد ..

ف صفحة كتابي القديم الوحيد ..

ف سكة حنان

ف شارع محبة مشيته زمان ..

مليته حكايات ..

ف قلب السكات ..

بدور عليك ..

.. .. .

ليالى بعادك طويلة وحزينة ..
وبتوه سفينتى ..
وأغرق ف حيرتى ..
وأدور عليك ..
ف زحمة حياتى ..
ف قولى وسكاتى ..
ويمكن أقابلك ..
وأغير بحبك عناد الزمان
وأرجع سفينتى لبر الأمان
بدور عليك ..
.. . . .
ف لحظة أمل ..
بشوقنا لبكره ..
يخضر طريقنا
كتبتك ف صفحة حياتى الجديدة ..
تاريخى الجديد ..
حروفه تتور بلون ابتسامتك

ويمكن تفكر ف زحمة عنادك

تغير مكانك ..

وأشوقك ترفرف ..

وترجع لعشك ..

وتبدر محبة ..

وتطرح أغاني

وتملا مكانى..

.. .. .

بفكر أسافر ف غربة سنين ..

أدور عليك ..

وأقولك ياريت ..

تسكنى قلبك ..

دا قلبك ياعمري ..

يادوبك يساعنى ..

وأقدر أعيش

وترحل مخاوفى ..

وأرجع أسطر حروفي وحكايتى

وأدور عليك !!

.... .. .

عالي.....

ولأنه عالي ف السما ..

حواليه نجوم ..

حواليه فضا ...

وحيارى زى . سهرانين ..

بيلاقوا ف عيونه الرضا ..

ولأنه عارف خطوته ..

عارف طريقه وسكته ...

سافر بعيد ..

.. ..

وبكل قسوة نظرتة..
قتل الوليد بين الضلوع!!
يا عمر حبي اللى انتهى..
يا نبض قلبي اللى طواه صوت الألم..
يا سنين عذاب جواها عشش قلب حب..
داوى الجراح..
وانسى اللى راح..
ف هواه لقينا ف قلبه عايش..
ألف قلب!!

... ..

يا نجمتى..

... ..

وبعيدة عنى..

يا نجمتى..

بعد الأمل!!

بعد اللى غابوا عننا..

راحوا وفاتولنا دمعنا...!

سؤال محير.. ليه كده؟!

كل اللى ليتا.. مش لنا!!

.. ..

يا نجمتى..
وعرفتى طعم الحزن وانتى صغيرة...
ورداه لسه بتتسم..
وبتحلمى أحلام هنا..
فى ايام سعيدة حنيه!!
.. ..
يا نجمتى..
ايه الخبر..
رمىتى ليه توب الفرحة...
ولبستى ليه توب الجراح!!
وعنيكى ليه اتجمدت...
ليه الألم عرف طريقه لسكتك!!
ليه الندم - يا سكتى - عشش هنا...
جوه قلوبنا . كلنا!
.. ..

يا نجمتى..

ف وسط ضلمة حزنى وسنين غربتى..

بمد ليكى خطوتى...

مدى ايديكى..

خدينى من وسط العذاب...

أسكن هنا جنب القمر..

مدى ايديكى بالشعاع..

خلى الأمل يرجع يخضر سكتى..

لجل ابتدى..

لجل ابتدى!!

.....

وداع.....

قلت الوداع..

صحيت دموع الحزن ف عنيه...

أتبججرت جوه ف قلبي آهات!!

.. ..

قلت الفراق..

ضاعت مواويل الهنا....

والآه بقت جوه الفؤاد..

شيء مننا!!

.. ..

ياليل فراق..

مجروح أنا....

مقتول بسكين السهاد..

آه م الفراق..

آه م الوداع.....

خايف يكون..

رحلة ضياع!!

... ..

... ..

... ..

آن الأوان..

حكم الزمان و ح نفترق....

يا شعلة الحب الكبير..

قلبي معاكي بينحرق!!

يا زهور ربيع..

قلبي ف ربيعہ بيتخفق..

رح نفترق....

رح نفترق!!

.....

عذاب.....

قلبي اتحرق..

عيني خلاص عشقت قلق..

عشقت سهر...

قول يا قر..

وحياة ليالينا سوى..

فين القمر ١١٩

.. ..

فين النهار..

على بابيه واقفة خطوتى...

على بابيه نامت بسمتى...

واتصلبت كلمة فرح فوق شفتى...

والضحكة دبلت بين حروفى ع الورق!!

يا كل حب بيتخفق..

ياكل قلب بينحرق..

مين ف العذاب زى أنا!!

شايفاه هناك..

واقف لنا.. جه لحدنا..

شكله مخيف...

فارد ايديه ح يضمنا..

بيضمنا!!

...

لإمتى.....؟؟

لإمتى يا ربيع عمرى تفوت ع القلب ما تصبح..

لإمتى الحزن جوايا..

وله مطرح..

تفوت الايام.. ألم وعذاب..

لا كلمة حب م الأصحاب..

ولا بسمه أمل حلوه تدق الباب.. ..

ولا طلة من الأحباب.. ..

وعمرى. دمة فوق خدى بداريها..

وليلي.. آهه مجروحة بخبيها....

واسكن حزني ف ضلوعي..

واقول متى يروق بالي..

مادابت م الأسى شموعي....

وابات انعى هوى الأحياب..

وحزن القلب.. موالى!!

..

لامتى يا ربيع عمري..

أحایل فيك وأتمنى تصالحنى!!

تعالى.. بالصفاء قرب...

وقرب حب عاش ف حياته متغرب..

وانا..

مستتى ع السكه!!

... .. .

ليه بتلومنى...؟؟

بعد ما فات العمر وتهنا ..

واتفرقنا ..

جاي بتلومنى؟؟

جاي بتصحى الشوق جوايا

وتفكرنى؟؟

تبقى الظالم . ويتظلمنى!!

ليه بتلومنى؟؟

.. .. .

كنت حبيبي وفرحة عمري..

ياما ناديتك..

واستيتك..

ياما عيون الشوق سهرت لك...

وانت يا ريتك جاي متشوق...

جاي بتلمني!!

.. ..

ليه بتلومني..

كنت اتمنى تقوللي بحبك...

تبعث همسة شوق لعنية..

تزرع عمري جناين فرحه...

تطرح أحلى زهور للحب...

تبعد عني برد الوحدة..

وتسيني الليل الصعب!!

.. ..

لسه ف قلبك دقات ليه؟
نفسى اسمعها...
يمكن نقدر نرجع تانى..
نملا الكون بأغانى الفرحة...
وارجع اقبالك..
جوه كتابى..
وف أشعارى..
وف أحلامى..
نفسى أشوف البسمة جناين جوه عيونك...
نفسى ألقى الحرف الأخضر..
طارح جنبه..
زهر..
مداين..
أجمل منظر..

حاجة عجيبة..
بتشوق لك وانت معايا..
واما بتبعد، شوقي بيكبر
حبك عندي حاضنه ف قلبي....
بيدفيني..
بينسيني الجرح النائم جوه القلب...
بيخليني أحس بانى لسه بعيش..
هوه منايا..
هوه غطايا..
لوني الأخضر.....
فرحة قلب تزيد وبتكبر..
لما يقابلك!!
... ..
مش ندمانه ع اللى عملته...
طب ليه أندم؟

كنت بحس الشوق ف عيونك

بتخبئه

حاسس ان ف قلبك شئ عني - دايمًا - مداريه

كلمة أحبك ..

ليه بتكرها

ليه بتحب تقولها لغيري ١١٩

جايز كان احساسك بيه احساس خاطئ ...

مش رح اسامحك ..

ع اللى عملته ف قلبى وفيه

كنت بتكر حبك ليه

وانا حبيتك كل الحب .

مش رح اسامحك

مش رح اسامحك .

.....

انتهينا..

يا حبيبي..

واتعاهدنا ع الوفا..

والهنا ف القلب ساكن...

والصفا..

يومها كنا شمعتين...

للحيارى سهرانين...

كان أملنا كلمتين..

لكن الأيام بتقسى...

زى ما يكون الفراق مستتى فرصة!!

مش ح اقولك ليه بتبعد..

ليه بتعند..

ليه تخون العهد بينا..

ليه تموت كل ضحكة فوق شفايفى..

كل بسمه..

كل همسة شوق بينطقها كيانى..

كل لحظة صدق عشناها ف ثوانى!!

....

مش ح اقولك قلبى سامحك..

واللا ح انسى ف لحظة جرحك...

مش ح اقولك..

ما انتهيانا!!

... ..

بعد ایه؟

جای تفکرنی بزمان؟

جای تصحی حب کان؟

جای تقوللی ع اللی فات..

واللا تیکی قلب مات؟

لیه تمید الذکریات؟

.. ..

انت ناسی اللی بیه؟

جای تصحی شوقی فیه؟

قلبي مش ممكن يسامحك...

ع اللي ياما شففته منك..

واللي ياما سمعته عنك..

قلبي مش لعبه ف ايديك..

تهجره يوم وتلاقيه!!

... ..

جاي تكييني بكلامك...

يمكن أنسى يوم خصامك..!!

ش رح ابكى أو أسامح..

أو أجيلك يوم واصالح..

انت ناسى جرح قلبي يوم ما حبك..

يوم ما قالك..

تسوى ايه الدنيا بعدك!!

... /...

والنهارده..

جای ترجع حب کان؟

جای تصحی الذکریات؟

یاما علمنی زمانی..

اللی عدی..

راح وفات!!

.....

غنوة.. للعيون السود

آه يا عيونك..

بتدويني..

بتوهني..

وبتسحرني.. ..

واللا رموشك..

بتغطيني..

بتدفيني..

شفت عيونك..

لونها الأسمر بينسيني تعب الدنيا ..

بتفرحني لما تجيني ..

لما بترسم فوق منديلي ..

اسمي واسمك

حبك ليه ..

خلي عنيه تحس بنور الشمس وهيه ف قلب الضلمه

شفت ازاي قلبي بيتكلم ؟

شايل جوه عيونه الفرحة ..

لما يقابلك

بيخليني أحس بأني لوحدي ف جنة

بيخليني أحس بنشوة دنيا جميلة ...

دنيا فيها عيونك انت ..

آه يا عيونك ..

زادي ف رحلة عمر جديدة ..

آه لو تيجي وتبقي معايا ..
آه يا حبيبي ..
عايز اتكلم ع اللي ف قلبي ..
عن احساسى لما بشوفك ..
عن طول شوقي ...
عن أحلامي الخضرة السارحة ف بحر عيونك ..
آه يا حبيبي ..
زادي وزادك ..
فرحة وكلمة شوق تتغني جوه عني ..
بسمه تخضر ليل أيامنا ..
خوف من بكره ..
لو يحرمنا من أحلامنا ..
لو يبعدنا، ويفرقنا
آه يا حبيبي ..

قرب مني... ..

صحي عنه من أحلامها... ..

خلي الدنيا تزيد حلاوتها... ..

وانت معايا.. ..

... ..

ح اقولها لك

ح اقولها لك..

ف يوم موعود ح اقولها لك..

ح اقولها لك..

ف يوم ما الأرض تطرح زهر..

ويوم ما هوانا يضوي لنا..

ويصبح بدر..

ف ساعة التقيك راجع كده شقيان..

وبتدندن علي صوت المكن ألحان..

واغني لك..

تقوللي كمان

بفاسك..

تعمر الصحراء....

بيديك..

أوصل القمره..

وبدرايك.. بيعلا كل يوم بنيان..

وتشقي لجل اعيش بكره معاك ف أمان..

ساعتها يا غالي حتفني لنا الفرحة..

واقول انك..

أبو الجدعان.

... ..

... /...

أعز الناس..

يا صاحب قلب كله حماس..

أنا زيك....

بحب الأرض وبلادي...

واحب اللي أحبه يكون..

حبيب الناس..

.....

حبك..قدر

لأنك ف بحر مخاوفى الكبيرة....

سفينة أمان..

وموجة حنان.....

لأنك فى ليلى الغميق، القمر..

لأنك ف صحرا حياتى. المطر..

لأنك ف زحمة همومى الكثيرة..

غناوى فرح..

وبسمة ربيع..

وطلة أمل.....

لأنك ف نبضى..

ويتغذى دمي..

لأنك مدينتى..

وبيتى وغايتى..

وكل البشر..

بحبك

وحبك

لعمري

قدراا

.....

أحلى صباح

صباح الخير يا عقد القل..

صباح الخير على عيونك..

يا سيد الكل..

.. ..

يا شمس نهاري وعزيمتي..

يا فرحة عمري، يا مرايتي..

عليها بطل..

.. ..

بشوقك.. كل يوم تكبر..

يزيد فرحى وابات اسهر... ..

وأدعى لك..

يصونك ربنا ليه.

.. ..

سنين فرحى.. تعود بيه.. ليوم عيدى..

واشوفك (نونو) ف اللفة.. ما بين ايدي..

أسمى عليك..

وابوس ف ايديك..

وأحلم بيبك..

عريس فى الكوشة والزفة.

.. ..

يا أهلى وناسى ورسالتى..

يا سيد الكل..

صباح الخير على عيونك..

صباح الفل.

... ..

ألف سلامة..

حبي الغالي، فرحة عمري...

كل أمالي وليلى وفجري..

ألف سلامة عليك يا حبيبي...

ألف سلامة...

ياللي عشانك قلبي اتغرب..

سابني وراح لك..

وسكن قلبك..

ليه بتتألم، ولا تتكلم..؟

ليه بتتعذب، وانا بتألم!!؟

أهون عندي لو راح عمري..

لو ضاع فكري..

ولا تتعذب.

دائما طاكرك، طارفاك، حسناك..

وبشوفك: ف البسمة الحلوة..

وبشوفك جوايا أمانى..

حب، أغانى.....

ويا ريتى مثلناك أبقى جناح..

أخداك وأطير....

لا عذاب ولا نوم..

يا حبيب عمري وكل ماليه....

هات كل الأمانك فيه..

ولا تتألم!!

.....

الى.. زوجي الشهيد

....

ويناذى عليك ابنك..

«عايز بابا»....

ويستنى تجيله باللعب، تضحك....

ويرسم الطريق صورتك..

ويقرأ الكتاب اسمك..

يصعبنى من النجمة..

«عايز بابا»!!

«وفين بابا»!!

يا غالى ايه أنا أقوله..؟
وايه أحكى يا ابو الأبطال؟
يازهرة خير وحرية..
أنا زيك..
بحب الأرض وبلادى...
بحب الناس...
ومهما كانت الشهدا..
وكان الدين..
لازم ندفع عشان بلدى..
با ابو الأبطال..
أنا قلبى صبح مدفع..
ودبابه...
وطياره...
وكل سلاح..
وحاربنا.. أنا وابنك..
وحققنا الأمل والنصر!!

... ..

الثوب الأسود

يا توب اسود..

أنا وانت.. بقينا صحاب... ..

وحالف ماتفارقني يوم..

ولا تسيبني... ..

تسهرني..

تبكي..

وتسرق مني أيامي... ..

وأحلامي.. بتتبحر ف ليل غريه!!

..

يا: توب اسود..

بتضحك وانت جازحتي..

وترميني ف: أحضاتك..

الاقى الدنيا قناني..

ف لون كحلي لا

... ..

يا: توب اسود..

أنا عايشة علي الذكرى..

وأمنيه..

الاقى الدنيا تضحك لي ولو مره..

يا توب ابعده وفارقتي...

وخذ وياك أسي الأيام... ..

دا قلبي لسه متشوق...

بيتمني يعيش لحظة هنا حلوه..

يا توب.. نفسي أغير لوتك الفامق..

بلون بمبي...-

وف عتيه تيان الضحكة والفرحة..

ويرتاح م العناب.. قلبي..



يا توب الليل..

وسكنتك هنا ف دولابي وف جنبي..

وطاوعتك..

وانا صابره...-

وبستي أمل بكره..

لكن أبدا..

يفوت اليوم وانا عايشه..

ف أحضانك!!

ياتوب ابعد وفارقتي..

يا توب اسود!!

يا توب اسود!! يا توب اسود!!

.....

يا توب اسود!! يا توب اسود!!

يا توب اسود!! يا توب اسود!!

يا توب اسود!!

يا توب اسود!!

يا توب اسود!! يا توب اسود!!

يا توب اسود!!

يا توب اسود!!

يا توب اسود!!

يا

يا توب اسود!! يا توب اسود!!

يا توب اسود!!

يا توب اسود!! يا توب اسود!!

افتكرتك...

افتكرتك..

لما بصيت للسما...

وافتكرت..

قد ايه كنا سوي..

لما مديت لي ايديك وسط الفضا..

جيت اسلم ويا قلبي...

ما التقيت غير الهوااا

... ..

قلبي مكتوب

بيسألني عليك ابنك..
ويقرأ ف الكتاب اسمك...
ويتمنى يشوف رسمك..
أبويا فين؟
ويطحنى السؤال واسكت...
وأهرب جوه أحزاني...
ودمعه لسه محبوسة..
وآه ف القلب مدفونة...

أقول له ايه؟

أقول له فين؟

دا لسه صغير..

وانا شايفه همومه كتير...

أقول له ايه..

ودمعة حيرة ف عنيه بتتكلم...

وادوب فى طعنه مجروحة..

بسيف قاسى مايرحمشى..

وشايله حمولى فى قلبى..

وماشيه والزمن ماشى..

وانا صابره..

لا أقول ناعسه ولا أيوب...

ولا بهرب من المكتوب!!

.....

يوم العيد

وجاى تجرى...

ومادد ايدك الدافيه..

وبتسلم...

وجاى بشموع سنين دبلت...

تقول. مبروك..

وعقبال السنه الجايه!!

.. ..

بتسأل عين عيوني فين..

وليه نامت؟

وفين الضحكة، ليه تاهت..

وليه الدمعة فوق خدى..

قصص أحزان!!

.. ..

أقولك ايه يا يوم عيدى..

ياغنوه. كنت ناسيها..

يا دعوة قلب عذبنى ف أهات حرمان..

ح أقولك ايه...

كفاية الجرح والشكوى..

بداريهم ورا ضحكة أمل كداب!!

.. ..

كفاية بعيش وانا تايه..

... /...

في دوامة قلق وعذاب...

بعيش عمري مانيش عارف..

بعيشه ليه؟!!

.. ..

يا يوم عيدي..

وكتك اتمنى يوم افرح..

واحس بانى نسه بعيش...

وان الدنيا دي بخيرها ماضت يوم..

لا هجر ولوم...

ولا مرة تخلينى أعد نجوم!!

.. ..

يا يوم عيدي..

منايا تجينى بالفرحة..

وتسقينى الهنا مره..

ولو مره!!

.....

فی ذکری عید میلادی

فاتت سنه ..

وفات معاها عمر مجروح بالألم!!

..

فاتت سنه

ويا لیاالی بتسقى قلبی کاس ندم ..

وکنت بتمناه. هنا!!

..

فاتت سنه ..

وقفت اودع فرحتی

ياكل بسمه فوق شفايف غنوتى
يا دنيتى....
ازاى ح أعيش من غير أمل...
والسكه تايهه..
ضايعه ما بين الحقيقة والخيال!!
يا دنيتى..
لمين أنغم غنوتى..
ولمين يا شمس تمدى كل شعاع حياه..
ولمين يا حرف تقيد شموع الحب فى ليل الفراق..
ولمين يا ليل سهران أنا..
وليه يا دنيا تزيدى من عمرى الحزين..
كمان سنه!!
ازاى أعيش وسط الحياه..
من غير حياه!!
... ..

... /...

مسير الدنيا ح تروق لى..

ويمحى سهد ليلى نهار..

وأرجع

اكمل

الرحلة!!

.....

الرحلة..

ولسه باقى ع الرحلة..

يا دوب خطوه..

وترسى مركبى التايهه..

لشط امان.

..

أنا والصبر والأحزان..

بدأنا رحلة الأيام..

طويل ياليل على السهران..

طويل ياليل..
وجيت لك يا أمل تايه...
ما بين نجمات..
أناديلك ما بين دمعات..
تقرب خطوتى التايهه...
عشان أوصل..
لبر أمان.
وكل ما اقرب السكة.....
يرجعنى الألم خطوه..
أضيع فى زحمة الأحزان...
واقول أرجع من المشوار..
الاقى الصبر يندهلى..
ويمسح دمعى ويقوللى....

سكة أمل

سكة أمل..

والخطوه فيها بألف ألف يوم سفر..

مشوار طويل..

ايه العمل؟

ركايب الأحلام فاتتني من زمن... ..

ومشيت أدور ع الطريق..

وفين يكون؟!

وعملت شوقي للأمل مركب وانا سواح. غريب..

بنادى فين..

فين الأمل؟

.. ..

سكة أمل..

ف عنيه مكتوبه بسهر.. ..

رغم القلق اللى بينهش ف الخطاوى من زمن..

رغم الجراح ف قلوب رماها الليل ف جب الانتظار..

رغم الضباب لما يكفن كل أحلام النهار!!

رغم المحن.. ..

رغم الصعاب..

ع الدرب شديت خطوتى!!

... ..

البحر

ف العصر تتدهلى..
أمشى على مهلى..
أركب أنا موجك..
بسمه تطير بيه..
أنسى هموم قلبى..
واللى انكتب ليه..
وف زحمة الذكرى..
واقف ومستنى..

والخوف على بكره..

ليه بيبيعدك عنى؟

ف الليل تنادينى..

قمر ك يوصلنى..

ياخذنى ف العالى..

لحب شاغلنى..

أكتب على موجك..

يا بحر رسينى..

ياهتلى يا حب..

تقدر تسينى؟

... ..

أهلاً بالحب

ورجعتى يا دنيا تصالحينى..

وتمدى ايديكى تضمينى..

وتهنينى...

ورجعتى معاكى أمل عمرى..

ببشاور لعيونى التابه..

ف عيون الحلم اللى عشانه..

غنيت وبكيت»

ويقول انا جيت... ..

وانا ياما ناديت..

أهلا بالحب!!

.. ..

ورجعتى يا دنيا تصالحينى..

وتسسينى..

أحزانى النائمة ف أحضانى...

الصاحيه فى قلبى، ف كيانى..

وف حضنك جيتى وخذتينى...

عليتى لفوق...

صحيتى ف قلبى زمان الشوق..

ولقيتتى بطير..

بحضن نجمايه معدية..

... /...

وبشاور للقمره تهدى..

لجل أعدى...

وأوصل لحبيبي وأعيش وياه..

نعشق ونحب...

ونقول للكون ونغنى معاه..

أهلا. بالحب.

... ..

أجيزت كتم غنائى بإذاعة وتلفزيون الاسكندرية...

الى.. الاسكندرية:

عروسة المداين

يا سلام ع البحر صافى..

موجه دافى..

م السماء. أجمل هدية

..

يا حبيبتي..

ياما عشت سنين هواكى دايبه فى حضن الأمان..

أرتوى عطفك. حنان..

لسه قلبك زى عادته..

قلب أخضر...
كل مادا يكبر اكثر..
دا الكرم طبعك يا حلوه..
ياللى اسمك عاش ف قلبى أحلى غنوه..
واللى مره يشوف بهاكى..
مستحيل ينسى هواكى..
فوق شطوطك..
فوق رمالك..
والقمر. لما ينور..
شئ بيسحر..
واللا ليلك، واللا صيفك..
كاس بيسكر..
والجنائين..
والآثار..

وشوارعها العمار..
فى عنىكى ورده غالية بتهديهاالى..
مش بقولك..
حبى ليكى..
حب غالى!!

.....

دراسة

عندما طلبت منى السيدة الشاعرة هدى عبدالغنى أن أقدم ديوانها «سكة أمل» للناس.. قلت لنفسى: جلسة طيبة مع انتاج فنى أرجو أن أجد فيه من المتعة الوجدانية ما يعوضنى عن كثير من غثاء يغمر الأسواق الأدبية الآن..

لم أكن قرأت للسيدة «هدى» شعرا من قبل، كذلك لم أستمع لها فى مهرجانات الشعر التى تقام فى المدينة وان اشتركت فيها بالسماع.. لكنى كنت أحس توقدها وذكاءها والرشيق من تعليقاتها أحيانا.. ولهذا استجبت لدعوتها وبترحاب من جانبى أعددت نفسى للقيام بهذه المهمة..

وكان أن حقق الله رجائى بما أمتعتنى به من شعر

تستحق عليه التهنئة.. أما كيف استمتعت به.. فرده إلى أنى
ما ان تصفحته حتى وجدتني أمام رحلة عاطفية مثيرة منذ
بدايتها، صادقة كل الصدق في تعبيراتها.. لا يكاد الخيال
فيها يتجاوز ما تقتضيه الضرورة الفنية.. ولهذا فان تكملة
الجانب الخيالي فيها متروك للقارئ ليبدع هو في تصويره
أو قل في تخيله كيف يشاء، فانه لا يلبث أمام براءة هذا
الحب الذي يسيطر على هذا الجانب أن يغمره بشفافيته..
فاذا ما حاول القارئ أن يتعمق فيبحث عن مكوناته - أى -
يرتد به إلى أصوله الأولى.. فان أجنحة من الحب العائلي
سوف ترفرف حوله وهي تصعد به إلى حيث آفاق
الانسانية الخالصة التي تبعد به عن شوائب البشر.

ولنستمع الى الشاعرة في هذه المناجاة لمن تحب، وأنا
هنا لا يهمنى هذا المحبوب ولا من يكون.. فهو عندي مجرد
(رمز) تستريح عنده اللهفة المختزنة، وانه واحة استقرار
تتطلع الشاعرة اليه - حتى ولو كان وهماً - ومن ثم.. تهتف له
وبه فتقول:

لأنك ف بحر مخاوفي الكبيره

سفينة أمان..
وموجة حنان.
لأنك ف ليلي الغميق. القمر..
لأنك فى صحرا حياتى المطر
لأنك فى زحمة همومى الكثيرة..
غناوى فرح
وبسمة ربيع
وطلة أمل..
بحبك.. وحبك لعمري قدر.
(من قصيدة: حبك قدر)
وهى ترى أن مجرد ذكرها لحروف اسمه.. دعوة لها
لكى تحيا معه:
حروف اسمك..
بتنده لى بكلام أخضر
وأسهر ويا أحلامى

ما بين قلبى ودقاته

وكلمة شوق بتتنهد على شفة أمل عطشان

(من قصيدة: حروف اسمك)

ثم تأمل معنى هذا الختام الرائع لهذه الأنشودة.

إن «هدى» تكتفى أحياناً باللمحة التى أشرنا إليها من قبل، ومن ثم تترك للقارئ أن يتم الصورة المطلوبة ذهنياً بالشكل الذى يتخيله، وأحسب أنها لن تترك شيئاً ذا قيمة يمكن للقارئ أن يضيفه.

ولقد قرأنا - فيما قرأناه - أن بعض اللمحات الشعرية يمكن أن تقوم مقام القصيدة الطويلة..

بل وأكاد أقول أن بعض دواوين - وأقول بعض - يمكن أن تقرأها كاملة - أن استطعت - ثم لا تعثر على هذه اللمحة..

ثم تعلوا نستمع إلى «هدى» وهى تلقى بهذا المقطع الذى تقول فيه:

ويسألنى عليك ابنك..

ويتمنى يشوف رسمك ..

أبويا فين ؟

ويطحنى السؤال

واسكت !!

(من قصيدة : قدر مكتوب)

ألا يمكن أن يقوم هذا المقطع مقام القصيدة المطلوبة

والتي افرغت شحنتها المأساوية بهذا الصمت المفاجئ. ؟

وهذه اللحظة من لحظات ((أحلام اليقظة)) ألا يمكن

أن تكون قصيدة ؟ .. فإن لها - على قصرها - كل مقوماتها ..

سجلت لنا فيها هذه الحركة اللاارادية :

افتكرت ..

لما بصيت للسماء

وافتكرتك ..

قد ايه كنا سوى

لما مديت لى اديك وسط الفضاء

جيت اسلم ..

ما التقيت غير الفضا !!

(من قصيدة : افكرتك)

وعندما تناجى محبوبها الذى غاب عنها فجأة ، ولم
يعد بتلك المناجاة التى لايزال بها عبق العروس ولهفة
المحبة الصغيرة التى تتأرجح بين اليأس والأمل :

عايزه اطيروا سبق زمانى

نفسى اشوف بس تانى

لاجل ما اطمن عليك

وارتوى بنظرة عنيك

امتى ترجع ؟

كل يوم احلم بيكره

كل يوم استنى بكره

وانت ما عندكش فكرة

يا حبيبى

١٠٢

كل يوم استنى بكره

لو اشوفك ..

مش حاسيبك يوم تسافر ..

بس ترجع !!

(من قصيدة : ليه بعيد)

على أنى أحب أشير هنا إلى قصيدتها «غنوة للعيون

السود» التى يبدو أنها مفتونة بهذا اللون من العيون .

نتلاقى بها وإياها فى عدد من القصائد ..

وتفتتح هذه القصيدة التى تأخذ سمة الأغنيات الشبابية

بقولها :

آه يا عيونك ..

بتدوينى .. ،

بتوهنى .. ،

ويتسحرنى ..

واللا رموشك ..

بتغطيني ..

لونها الأسمر بينسينى تعب الدنيا ..

بتفرحنى لما تجينى ..

لما بترسم اسمى واسمك ..

فوق منديلى

حبك ليه ..

خلى عنيه تحس بنور الشمس وهيه فى قلب

الضلمه .. الخ

... ..

واعود الى القصيدة التى افتتحت بها ديوانها والتى

نظها لولدها اعتزازاً به والتى تذكرنى - فى نفس الوقت -

بأغنية (فائزة) التى مطلعها :

الهى يحرسك م العين وتكبر ليه يا محمد

ونتابع « هدى » فيما يبدو لى هذه الأغنية فتقول .. وان

كان ل « هدى » طابعها الذى يميزها :

صباح الخير يا عقد الفل

صباح الخير على عيونك

يا سيد الكل

...

يا شمس نهاري وعزيمتي

يا فرحة عمري ، يا مرايتي

عليها بطل

...

بشوفك كل يوم تكبر ..

يزيد فرحي وابات اسهر ..

وادعيلك ..

يصونك ربنا ليه .

ولعل بعض شعرائنا الفطاحل يستخفون بهذا الشعر ولا
يروونه أهلا بأن يستمع اليه ، بل لعل بعضهم كان يمني
نفسه بأن يستمع من (هدى) الى ما سمعته احدى

المواطنات فى حينا الشعبى عندما ذهبت الى جازها المثقف
ليكتب لها خطابا ترسله الى والدها تدعوه فيه لزيارتها بعد
غيبته الطويلة .. فكان أن عصر مخه وجاءها بعد قليل
بخطاب افتتحه بقوله:

«الى ولدى وقرة عينى ..

ان توهج الظمأ فى الشرايين التى ألهمتها اللهفة

الولهى

واختلاج التيارات المملة التى تتصارع فى سراديب الجوانح

المفعمة بالشق العازم

وهنا خرجت السيدة عن طورها فى حسن الاستماع

وقالت للسيد المثقف : يابنى قل له ان أمك نفسها

تشوفك .. وبس .. » .

وتحت معنى هذه الكلمات العفوية التى نطقت بها هذه

المواطنة فى سذاجتها البريئة ، يمكن أن تتدرج جميع

الكلمات المعبرة عن عواطف الأمومة فى كل أنحاء العالم

وبكل لغاته ..

إن الكلمة التى تبوح بها الأم نقية خالصة صادقة ، تكفى

وحدها لهدم كل ما شيدته زيوف الحضارة من صروح ..
لقد عرفنا المرأة أما كانت أو زوجة سكنا نهرع اليها ،
نلتمس الأمان والسلوان في قريها .. ولكننا - في هذا الديوان
«سكة أمل» أحسسنا أننا فقدناهما معا ..

لقد عشنا خلال رحلتنا في هذا الديوان قصة حب
دافئة في ظلال زوجية هائلة .. لكنها اجتثت أمامنا فجأة
ولا تسهيد .. ولهذا رانت أشباح المقاجاة على الديوان
وتركت ظلالها قاتمة شائكة .. وان لم تؤرخ أو تحدد
وقائعها ، بل تركتها هائمة هنا وهناك .. ولكن حاولت
البطلة أن تتماسك فلا تنهار ، وان كانت قد ارتدت « ثوب
الحداد » .. فهي تعرف عنه أنه ثوب مخادع يزيف مايراه
الناس ويخفى - في مكر - ماقد يند من بسمات يمكن أن
تظهر خداعهم ، ومن ثم راحت تكشف من سره ، وتلومه
وقد ترجوه وتناجيه إذا اقتضت الظروف :
يا توب اسود ..
بتضحك وانت جارحنى ..

وترمينى فى أحضانك ..

الاقى الدنيا قدامى

بلون كحلى !!

ولقد تضيق به .. فهى لم تخرج عن نطاق البشر، ولكنه
يقاسمها حتى فى سكنى «دولابها» فتصرخ من هذا الجوار
الثقيل :

يا توب الليل ..

وسكنتك هنا جنبى ..

وف دولابى

وطاوعتك وأنا صابره

ويسنتى أمل بكره

وأنا عايشه ف أحضانك

يا توب ابعده وفارقنى

وحتى العيد .. أصبح معنى حضوره موضوعا للسخرية

عندها :

١٠٨

وجاى تجرى ؟

ومادد ايدك ؟

ويتسلم !!

وجاى بشموع سنين دبلت .. تقول مبروك ؟

وعقبال السنة الجاية !

بتسألنى عن عيوني فين ، وليه نامت !!

وفين الضحكة ، ليه تاهت ؟

وليه الدمعة فوق خدى .. قصص أحزان ؟

أقولك ايه يا يوم عيدى .. ؟

لقد رسم الماضى ظله عليها ومشى فى عروقها واستأثر

بها .. فهى تبحث عنه فى طرقات المدينة .. وان أصبح

وهما ، وان أصبح ذكرى ..

واستمع الى هذا البوح الذى تحشرج فى تجاويف حياتها

وهى تناديه وتناجيه :

بدور عليك ..

ف صفحة كتابى القديم الوحيد .. ،

ف سكة حنان .. ،

ف شارع محبة مشيته زمان ..

مليته حكايات ..

ف قلب السكات ..

بدور عليك .

...

لياالى بعاذك طويلة ، حزينة

ويتوه سفينتى

وأغرق فى حيرتى ..

وأدور عليك

ف زحمة حياتى .. ،

ف قولى وسكاتى ..

ويمكن أقابلك .. ،

وأرجع سفينتى لبر الأمان

والحق يقال .. أننى فى حيرة أمام هذا الوفاء لا
أستطيع تحليله .. قد يكون وفاء من جانبها بغير حد يمكن
أن أصل اليه ، وقد يكون للمجتمع المحيط بها أثره فى
وجوده ، ولقد يكون لبعض من يهتفون بالحرية .. حرية
ترديد الآية التى تقول :

(واذا المؤودة سئلت . بأى ذنب قتلت)

مع الاعتذار اليها عن المناسبة التى قيلت فيها ..

ان غاية ما يمكن أن يقال فى هذا المجال انها مسألة
شخصية ، وانى أحس صدقها فيما عبرت عنه من الناحية
الفنية .

وبعد ..

فلعلنى لو أردت أن أتحدث عن هذا الديوان بصدق وأن

أفيه حقه الذى أشعر به لنقلته أو على الأقل . نقلت أغلب
ما فيه مرة أخرى وبدون تعليق . في المقدمة ...

“ .

عبد العليم القباني
عضو مجلس إدارة إتحاد الكتاب
جمهورية مصر العربية

بطاقة أدبية

- هدى عبد الفنى سعيد

- أديبة سكندرية المولد والنشأة والحياة
- مدير إدارة الملفات بديوان عام محافظة الإسكندرية
- تكتب شعر العامية والفصحى والأغنية والقصة القصيرة
- عضو جماعة الفنانين والكتاب « لاتيليه » بالإسكندرية
- عضو جماعة الأدب العربى بالإسكندرية
- عضو جمعية أدباء الشعب بالإسكندرية
- مؤلفة غنائية معتمدة بإذاعة وتليفزيون الإسكندرية

صدر للمؤلفة :

- ديوان شعر (بعيد عن الخوف) بالعامية
- ديوان شعر (لأنى أحبك) بالفصحى
- نشر إنتاجها الأدبى بالصحف والمجلات المصرية .
- حصلت على العديد من الجوائز وشهادات التقدير .

الزهرس

٣ اهداء
٥ أنا والبحر
٧ ع الشط .. قلبى بيتسم
١١ حروف اسمك
١٤ علشانك
١٦ لحظة حب
١٩ وتوعدنى
٢١ دوامة
٢٤ بحر الغربة
٢٦ متغرب
٢٨ ليه بعيد
٣١ بدور عليك
٣٤ على

٣٦ يا نجمتى
٣٩ وداع
٤٢ عذاب
٤٤ لامتى
٤٦ ليه بتلومونى
٥١ انتھينا
٥٣ بعد ايه
٥٦ غنوه .. للعيون السود
٦٠ ح اقولها لك
٦٣ حبك .. قدر
٦٥ أحلى صباح
٦٧ ألف سلامه
٦٩ إلى .. زوجى الشهيد
٧١ الثوب الأسود
٧٥ افتركك
٧٦ قدر مكتوب
٧٨ يوم العيد
٨١ ف ذكرى عيد ميلادى
٨٤ الرحلة
٨٦ سكة أمل

٨٨ البحر
٩٠ أهلا .. بالحب
٩٣ عروسة المداين
٩٧ دراسة الديوان
١١٣ بطاقة أدبية

مطابع الهيئة المصرية العامة للكتاب

ص.ب : ٢٢٥ الرقم البريدى : ١١٧٩٤ رمسيس

WWW. egyptianbook. org

E - mail : info @egyptianbook.org